

րիարքական հրովարտակր ստանալ (Չամիչեան, Հայոց Պատմութիւն, Գ. հտ. էջ 692) և դարձաւ Պրլիս, ուր գրաւեց պատրիարքական աթոռը ըստ Հրանտ Ասատուրի (Բնդ. Օրացոյց, 1901, էջ 105). 1663 Փետրուարին և ըստ J. M. Yovannin և Jules Van Ganerh (Turquie, Paris 1850, էջ 272) 1663 Մարտին, և որպէսզի ապահով ըլլայ՝ Ղազարը բանտարկել տուաւ (Չամիչեան, Ընդ, էջ 693):

Յովհաննէս պատրիարք, ինչպէս կը թուի, այն տան արդէն Արքեպիսկոպոս էր, վասնզի այսպէս կը յիշատակուի Վենետիկի Մխիթարեանց քով պահւած ձեռագիր Սողոմոսարանի մը մէջ (թ. 76), որ գրուած է «ի մայրաքաղաքն Տրապիզոն ... ի հայրապետութեան Հայոց Տէր Յակոբ կաթողիկոսին, ու ի յաւաքնորդութեանն սուրբն երուսաղեմայ եղիազար վարդապետի, եւ ի պատրիարքութեանն տէր Յովհաննէս արհիեպիսկոպոսին ... ի թուականիս Հայոց ՌձԺԲ (1112+551=1663) ամի Յուլիս ամսոյ ԺԱ (11)» (Հ. Բարսեղ վրդ. Սարգիսեան, Մայր Յուցակ Հայերէն Ձեռագրաց Մատենադարանին Մխիթարեանց ի Վենետիկ, էջ 240):

Յովհաննէս՝ պատրիարք դառնալէն յետոյ, ինչպէս կ'ըսէ Չամիչեան, գիտնալով որ երկար տանն չէր կրնար մնալ այդ իշխանութեան վրայ, զոր ստացած էր ամէնուն կամքին հակառակ, սկսաւ իր չարոզներով տարածել սագաղափարը, թէ ինք պատրիարք եղած էր ընկճելու համար Էջմիածինի հակառակորդները, և ինչ որ ինք կը պարտէր Մայր-Աթոռին՝ պիտի հատուցանէր ամբողջովին: Այսպէս ի նպաստ իր անձին շահագործել կ'ուզէր իր նախորդին՝ Ղազար Սեբաստացիի Մայր-Աթոռի հակառակորդ ըլլալը: Ինչպէս պատրիարքութեան հասնելու, նոյնպէս նաեւ զայն